



Broj: 02-05-20048-9/18
Sarajevo, 23.04.2018. godine

PRIMLJENO: 24-04-2018			
Organizaciona jedinica	Klasifikaciona oznaka	Redni broj	Broj priloga
01/01-34-0869/18			

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi Prečišćeni tekst i 37/14 – Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", broj: 4/04, 29/09 i 18/13), Vlada Kantona Sarajevo je na **120. vanrednoj** sjednici održanoj **23.04.2018.** godine, donijela sljedeći

ZAKLJUČAK

Utvrđuje se Program mjera za podsticaj zapošljavanja i održavanja više stope zaposlenosti u Kantonu Sarajevo u 2018. godini, koji je sastavni dio ovog Zaključka.



PREMIJER

Adem Zoh, Mr.dipl.ing.saob.

Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku, raseljena lica i izbjeglice
4. Ministarstvo privrede Kantona Sarajevo
5. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo)
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 02-05-20048-9.1/18
Sarajevo, 23.04.2018. godine

Na osnovu člana 4. stav (1), a u vezi čl. 9 i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javna ustanova "Služba za zapošljavanje Kantona Sarajevo" Sarajevo, Vlada Kantona Sarajevo je na **120. vanrednoj** sjednici održanoj **23.04.2018.** godine u t v r d i l a:

PROGRAM MJERA

za podsticaj zapošljavanja i održavanja više stope zaposlenosti u Kantonu Sarajevo u 2018. godini

OPŠTE ODREDBE

Član 1.

Programom mjera za podsticaj zapošljavanja i održavanja više stope zaposlenosti u Kantonu Sarajevo u 2018. godini, (u daljem tekstu: Program), definišu se pojedinačne podsticajne mjere, utvrđuju finansijska sredstva, te kriteriji, ciljevi i rokovi realizacije svake od predviđenih podsticajnih mjera, način praćenja realizacije svake od predviđenih podsticajnih mjera, način objavljivanja javnih poziva, praćenje efekata, te druga pitanja od značaja za provođenje Programa.

POJEDINAČNE PODSTICAJNE MJERE

Član 2.

Pojedinačne podsticajne mjere koje će se realizirati u 2018. godini su:

1. Program javnih radova;
2. Program sufinansiranja samozapošljavanja osoba do 35 godina života;
3. Klub za traženje posla;
4. Program sufinansiranja zapošljavanja pripravnika VSS, VŠS, SSS i KV stručne spreme kod poslodavaca sa većinskim privatnim vlasništvom;
5. Program sufinansiranja samozapošljavanja „Trgovac pojedinac“;
6. Program obuke, dokvalifikacije i prekvalifikacije nezaposlenih osoba za poznatog poslodavca;
7. Služba u zajedničkim projektima 2018.

FINANSIJSKA SREDSTVA

Član 3.

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Javna ustanova „Služba za zapošljavanje Kantona Sarajevo“ Sarajevo

(u daljem tekstu: Služba) u iznosu od 3.258.376,00 KM i ista se raspoređuju na pojedinačne podsticajne mjere na slijedeći način:

1. Program javnih radova – 551.648,04 KM za 386 nezaposlenu osobu;
2. Program sufinansiranja samozapošljavanja osoba do 35 godina života – 1.350.000,00 KM za 150 nezaposlenih osoba iz ciljne skupine;
3. Klub za traženje posla – 12.000,00 KM za 1000 nezaposlenih osoba;
4. Program sufinansiranja zapošljavanja pripravnika VSS, VŠS, SSS i KV stručne spreme kod poslodavaca sa većinskim privatnim vlasništvom – 408.000,00 KM za 80 osoba iz ciljne skupine i to: 40 sa VSS i VŠS i 40 sa SSS i KV stručnom spremom;
5. Program sufinansiranja samozapošljavanja „Trgovac pojedinac“ – 600.000,00 KM za 250 nezaposlenih osoba;
6. Program obuke, dokvalifikacije i prekvalifikacije nezaposlenih osoba za poznatog poslodavca – 246.000,00 KM za najmanje 82 nezaposlene osobe;
7. Služba u zajedničkim projektima 2018 – 90.727,96 KM.

CILJEVI, KRITERIJI I ROKOVI REALIZACIJE PROGRAMA

Član 4.

PROGRAM JAVNIH RADOVA

- (1) Program javnih radova u Kantonu Sarajevo (u daljem tekstu: Program javnih radova) se realizuje angažovanjem na period do dva mjeseca ugroženih kategorija nezaposlenih osoba sa evidencije nezaposlenih Službe, a u svrhu izvršavanja poslova od šireg društvenog interesa.
- (2) U ovom programu prednost za učešće imaju nezaposlene osobe: demobilisani borci, šehidske porodice i porodice poginulih boraca, RVI, djeca RVI koji imaju 100 % procenat invalidnosti, djeca dobitnika najvećih ratnih priznanja, civilne žrtve rata, te najugroženije kategorije nezaposlenih lica korisnika prava iz oblasti socijalne zaštite i to: roditelji djece sa invaliditetom od najmanje 80 % invaliditeta, žrtve nasilja u porodici, bivši štićenici domova za djecu bez roditeljskog staranja, liječeni ovisnici o psihoaktivnim supstancama, Romi, lica sa invaliditetom, samohrani roditelji, korisnici javnih kuhinja, kao i osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (3) Nezaposlene osobe iz stava (2) ovog člana, moraju biti prijavljene na evidenciju nezaposlenih Službe, prije objave javnog poziva za Program javnih radova.
- (4) Neto naknada za angažovanje iznosi 600,00 KM, mjesečno po angažovanoj osobi, odnosno 714,57 KM u mjesečnom bruto iznosu, a svi drugi eventualni troškovi, padaju na teret poslodavca.
- (5) Cilj Programa javnih radova je stimulisanje zapošljavanja teško zapošljivih kategorija nezaposlenih osoba, radnim angažovanjem kroz Program javnih radova.

(6) Program javnih radova će se izvoditi u oblastima:

1. uređenja okoline, izgradnje i sanacije infrastrukture,
2. socijalne zaštite na području Kantona Sarajevo,
3. kulture, turizma i sajamskih manifestacija.

(7) Poslodavci koji žele učestvovati u Programu javnih radova, dužni su:

1. podnijeti aplikaciju u roku predviđenom u javnom pozivu,
2. priložiti projekat iz jedne ili više oblasti navedenih u stavu (6) ovog člana, sa preciznim opisom poslova koji će se izvršavati, tačno navedenim brojem i strukturom izvršilaca. U projektu je potrebno navesti i druge podatke bitne za vrednovanje aplikacija, prema kriterijima iz stava (9) ovog člana,
3. uz aplikaciju je potrebno priložiti slijedeće: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korsnik šifra budžetskog korisnika), sve u originalu ili ovjerenoj fotokopiji.

(8) Poslodavci koji redovno ne izmiruju obaveze uplate javnih prihoda, ne mogu učestvovati u Programu javnih radova, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.

(9) Kriteriji za vrednovanje aplikacija su:

- projekti poslodavaca koji se prvi put javljaju na javni poziv za program javnih radova – 2 boda,
- projekti od značaja za širu društvenu zajednicu u smislu direktne koristi za veći broj lica – 4 boda,
- projekti od značaja za širu društvenu zajednicu u smislu direktne koristi za korisnika krajnje usluge – 2 boda.

(10) Vrednovanje aplikacija se vrši u Službi, a na osnovu priložene dokumentacije, u skladu sa kriterijima iz stava (9) ovog člana. Na prijedlog Upravnog odbora Službe ovu listu usvaja Vlada Kantona Sarajevo, a po usvajanju iste direktor Službe zaključuje ugovore sa aplikantima čije aplikacije za učešće u ovom programu su prihvaćene.

(11) Ugovorom iz stava (10) ovog člana, uređuju se prava i obaveze Službe i poslodavca, pravo poslodavca na izbor nezaposlene osobe i obavezu zaključivanja ugovora o angažiranju sa nezaposlenom osobom, obavezu isplate naknada i pripadajućih poreza i doprinosa za angažiranu osobu, obavezu pravdanja svih troškova i dr.

(12) Rok za realizaciju Programa javnih radova je 6 mjeseci od dana potpisivanja ugovora sa poslodavcem iz stava (10) ovog člana.

Član 5.

PROGRAM SUFINANSIRANJA SAMOZAPOŠLJAVANJA OSOBA DO 35 GODINA ŽIVOTA

- (1) Program sufinansiranja samozapošljavanja osoba do 35 godina života (u daljem tekstu: Program samozapošljavanja), realizuje se njihovim samozapošljavanjem, odnosno pokretanjem samostalne djelatnosti.
- (2) Cilj Program sufinansiranja samozapošljavanja osoba do 35 godina života je kraće trajanje nezaposlenosti mladih osoba i stimulisanje njihovog samozapošljavanja.
- (3) Pravo učešća u Programu samozapošljavanja imaju mlade osobe koje u momentu objave javnog poziva za ovaj program imaju do 35 godina života, prijavljene na evidenciju nezaposlenih u Kantonu Sarajevo, prije objavljivanja javnog poziva, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.
- (4) Služba će mladim nezaposlenim osobama, koje budu obuhvaćene ovim programom i registruju samostalnu djelatnost, na ime troškova registracije i početnog kapitala, doznačiti sredstva u iznosu od 1.800,00 KM, te mjesečno, u trajanju od 12 mjeseci, refundirati sredstva u ukupnom iznosu od 600,00 KM, za isplatu plaća i uplatu zakonom propisanih poreza i doprinosa.
- (5) Programom samozapošljavanja neće se sufinansirati osnivanje udruženja i fondacija kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- (6) Nezaposlene osobe koje žele učestvovati u ovom programu dužne su podnijeti:
 - aplikaciju na propisanom obrascu sa navedenim osnovnim elementima samozapošljavanja,
 - izjavu ovjerenu kod općinskog organa ili notara, a koja je sastavni dio aplikacije,
 - obaveznu formu poslovnog projekta, propisanu od strane Službe.
- (7) Kriteriji za vrednovanje aplikacija su:
 - aplikanti koji su na evidenciji nezaposlenih:
 - do 12 mjeseci..... 1 bod,
 - od 12 do 48 mjeseci..... 3 boda,
 - preko 48 mjeseci..... 5 bodova.
 - aplikanti koji će registrovati:
 - proizvodnu, turističku ili djelatnost iz IT sektora..... 7 bodova,
 - proizvodno uslužno zanatstvo i stručne usluge..... 5 bodova,
 - poljoprivredna djelatnost..... 2 boda,
 - ostale djelatnosti..... 1 bod.
 - aplikanti koji će registrovati društvo sa ograničenom odgovornošću..... 5 bodova.
 - ocjena poslovnog projekta:
 - zadovoljava..... 5 bodova,
 - dobra..... 7 bodova,

- odlična..... 10 bodova,
- aplikanti koji su pohađali obuku iz preduzetništva..... 2 boda.

KRITERIJI ZA OCJENU POSLOVNIH PROJEKATA APLIKANATA

KRITERIJ 1: INOVATIVNOST IDEJE

- Da li je poslovna ideja inovativna i na koji način? (do 5 bodova) ____
- Da li je opis poslovne ideje dovoljno jasan? (do 5 bodova) ____
- Da li su u opisu identifikovane potrebe kupaca koje se nastoje zadovoljiti poslovnim idejom? (do 5 bodova) ____

KRITERIJ 2: KVALIFIKACIJE

- Kvalifikacije aplikanta (iskustvo, znanje, motiv, stručnost...) za pokretanje biznisa u navedenoj djelatnosti? (do 15 bodova) ____

KRITERIJ 3: PROIZVOD/USLUGA

- Po čemu će proizvod/usluga biti jedinstven? (do 5 bodova) ____
- Da li su navedene sve najvažnije karakteristike proizvoda/usluge koji će se nuditi na tržištu? (do 3 boda) ____
- Da li je jasna namjena proizvoda/usluge? (do 3 boda) ____
- Postoji li detaljno opisan proces izrade proizvoda/usluge? (do 3 boda) ____
- Da li su svi potrebni resursi za izradu proizvoda/usluge raspoloživi? (do 3 boda) ____
- Ima li proizvod ili usluga štetan uticaj po okolinu? (do 3 boda) ____

KRITERIJ 4: TRŽIŠTE

- Postoje li informacije o provedenom istraživanju tržišta? (do 3 boda) ____
- Da li je izvršena segmentacija tržišta i identifikovani ciljni kupci? (do 3 boda) ____
- Koji su trendovi na ciljnom tržištu? (do 3 boda) ____
- Da li je urađena analiza konkurencije i konkurentskih snaga? (do 3 boda) ____
- Da li su navedene preferencije potencijalnih kupaca? (do 3 boda) ____
- Postoji li plan prodaje proizvoda/usluga i da li je realan? (do 3 boda) ____
- Da li je naveden plan nastupa na tržištu i način upotrebe instrumenata marketinga? (do 7 bodova) ____

KRITERIJ 5: FINANSIJE

- Da li su realno procijenjena sve neophodna ulaganja za početak rada? (do 3 boda) ____
- Da li su ukalkulisani svi troškovi poslovanja za posmatrani period? (do 3 boda) ____
- Da li su prihodi realno procijenjeni? (do 3 boda) ____
- Ocjena profitabilnosti i likvidnosti (do 3 boda) ____
- Mogućnost da aplikant obezbijedi neophodna sredstva za početak rada (do 3 boda) ____

KRITERIJ 6: ORGANIZACIJA POSLOVANJA I ANALIZA RIZIKA

- Da li su jasna zaduženja aplikanta i utvrđeni rokovi za izvršenje planiranih zadataka? (do 5 bodova) ____
- Da li su navedeni najznačajniji kritični faktori za pokretanje biznisa te načini za njihovo prevazilaženje (do 5 bodova) ____

Obrazac za ocjenu poslovnog Projekta:

IME I PREZIME APLIKANTA

POSLOVNA IDEJA:	Maksimum bodova	Dobiveni bodovi
	100	

1. INOVATIVNOST IDEJE	15	
2. KVALIFIKACIJE APLIKANTA	15	
3. PROIZVOD/USLUGA	20	
4. TRŽIŠTE	25	
5. FINANSIJE	15	
6. ORGANIZACIJA POSLOVANJA I PROCJENA RIZIKA	10	

UKUPNO REZULTAT:	100	
-------------------------	------------	--

Poslovni plan do 30 bodova ocjenjuje se konačnom ocjenom – ZADOVOLJAVA

Poslovni plan od 31 do 80 bodova ocjenjuje se konačnom ocjenom – DOBAR

Poslovni plan preko 81 boda ocjenjuje se konačnom ocjenom – ODLIČAN

KONAČNA OCJENA: _____

- (8) Kod istog broja bodova, prednost se daje aplikantu koji je duže vrijeme na evidenciji nezaposlenih.
- (9) Sve nezaposlene osobe kojima budu odobrena sredstva za samozapošljavanje, dužne su pohađati radionicu "Obuka za poduzetništvo" koju organizuje i provodi Služba, a što će se regulisati ugovorom iz narednog stava.
- (10) Aplikacije iz prethodnog stava se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu samozapošljavanja. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu samozapošljavanja su prihvaćene.
- (11) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.

- (12) Rok za realizaciju Programa samozapošljavanja je 18 mjeseci od dana usvajanja listi iz stava (10) ovog člana.

Član 6.

KLUB ZA TRAŽENJE POSLA

- (1) Klub za traženje posla je namijenjen zainteresovanim nezaposlenim osobama koje su na evidenciji nezaposlenih osoba Službe, duže od 6 mjeseci i jedna je od aktivnih mjera koje se provode u radu sa nezaposlenim osobama, a putem koje se nezaposlenim osobama pruža kontinuirana, stručna pomoć u aktivnostima traženja posla.
- (2) Cilj Kluba za traženje posla je mjesna i profesionalna pokretljivost nezaposlenih osoba.
- (3) Aktivan rad u Klubu za traženje posla sa jednom grupom traje tri sedmice, a grupe broje do 10 polaznika. Za polaznike Kluba planiraju sredstva za kupovinu mjesečnog kupona za gradski prevoz u iznosu od 12,00 KM, uz uslov da dostavi Izjavu da ponekom drugom osnovu nije ostvario ovo pravo.
- (4) Klub za traženje posla funkcioniše u tri segmenta:
- Radionica za prepoznavanje (osvještavanje) vještina i sposobnosti. Kroz 13 tema/obuka, članovi Kluba dolazi do motivacije, utvrđivanja i unapređenja ličnih potencijala potrebnih za zapošljavanje i/ili daljeg obrazovanja.
 - Grupa za podršku;
Akcentat je na samoinicijativnim posjetama poslodavcima, a također se organizuju i grupne posjete poslodavcima.
 - Razmjena informacija o slobodnim radnim mjestima;
Nakon završenih radionica, voditelj Kluba 6 mjeseci prati aktivnosti traženja posla članova Kluba, a pri čemu su članovima na raspolaganju i savjetodavne usluge, ali i usluge korištenja računarske i druge opreme Službe, radi uspostavljanja komunikacije sa poslodavcima.
- (5) Odluku o odobravanju sredstava za kupovinu mjesečnih kupona za gradski prevoz donosi direktor Službe uz prethodnu saglasnost Ministarstva za rad, socijalnu politiku, raseljena lica i izbjeglice Kantona Sarajevo, nakon čega zaključuje odgovarajuće ugovore sa osobama iz stava (3) kojima se uređuju prava i obaveze.

Član 7.

PROGRAM SUFINANSIRANJA ZAPOSŁJAVANJA PRIPRAVNIKA VSS, VŠS, SSS I KV STRUČNE SPREME KOD POSLODAVACA SA VEĆINSKIM PRIVATNIM VLASNIŠTVOM

- (1) Program sufinansiranja zapošljavanja pripravnika VSS, VŠS, SSS i KV stručne spreme kod poslodavaca sa većinskim privatnim vlasništvom (u daljem tekstu: Program zapošljavanja pripravnika), realizuje se zapošljavanjem nezaposlenih osoba bez radnog iskustva u struci kod poslodavaca sa većinskim privatnim vlasništvom, prijavljenih na evidenciju nezaposlenih Službe, prije objavljivanja javnog poziva za ovaj Program.

- (2) Cilj Programa zapošljavanja pripravnika je kraće trajanje nezaposlenosti osoba bez radnog iskustva.
- (3) Služba će poslodavcima koji budu obuhvaćeni ovim programom, mjesečno i to: 12 mjeseci za VSS i VŠS i 6 mjeseci za SSS i KV stručnu spremu, refundirati sredstva u ukupnom iznosu od 600,00 KM za VSS i VŠS i 500,00 KM za SSS i KV stručnu spremu, po pripravniku. Navedena sredstva namijenjena su za isplatu minimalne neto plaće u iznosu od 600,00 KM za VSS i VŠS i 500,00 KM za SSS i KV stručnu spremu, po pripravniku. Uplata zakonom propisanih poreza i doprinosa na navedenu minimalnu neto plaću i svi drugi eventualni troškovi padaju na teret poslodavca.
- (4) Pripravnici medicinske struke VSS i VŠS po ovom Programu zapošljavaju se na period od 6 mjeseci i pripadaju im ista prava kao pripravicima iz stava (3) ovog člana.
- (5) Poslodavci koji žele učestvovati u Programu zapošljavanja pripravnika dužni su:
1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci, sve u originalu ili ovjerenoj fotokopiji,
 3. dostaviti izjavu o namjenskom korištenju kreditnih i/ili grant sredstava Federalnog zavoda za zapošljavanje, Službe i ministarstava u Vladi Kantona Sarajevo u originalu, ovjerenu kod općinskog organa uprave ili notara.
- (6) U Programu zapošljavanja pripravnika ne mogu učestvovati:
1. poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru,
 2. poslodavci koji nemaju radnika prijavljenih na penzijsko – invalidsko osiguranje,
 3. poslodavci koji koriste kreditna i/ili grant sredstva Federalnog zavoda za zapošljavanje, Službe i ministarstava u Vladi Kantona Sarajevo, a ne izvršavaju uredno ugovorene obaveze,
 4. poslodavci koji su koristili sredstva za sufinansiranje zapošljavanja po bilo kojem programu u prethodne tri godine, a nisu zadržali bar 50% sufinansiranih osoba u stalnom radnom odnosu po okončanju perioda sufinansiranja.
- (7) Kriteriji za vrednovanje aplikacija su:
1. djelatnost poslodavca: proizvodna i turistička - 4 boda, ostale djelatnosti – 2 boda,
 2. poslodavci koji potražuju: Pripravnike suficitarnih zanimanja – 3 boda, pripravnike deficitarnih zanimanja – 1 bod, (pod suficitarnim zanimanjima se podrazumjevaju zanimanja kojih na dan 31.12.2017.godine na evidenciji nezaposlenih Službe ima

- 100 i više, a pod deficitarnim zanimanjima se podrazumijevaju zanimanja kojih na dan 31.12.2017. godine na evidenciji nezaposlenih Službe ima manje od 100),
3. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
 4. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 3 boda,
 5. poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 3 boda,
 6. poslodavci čiji je prosjek neto plaće veći od prosjeka neto plaće u Kantonu Sarajevo isplaćene u posljednja tri mjeseca, što se dokazuje specifikacijom plaća za zadnja tri mjeseca ovjerenom od Porezne uprave – 3 boda.
- (8) U slučaju da nakon vrednovanja aplikacija, dva ili više poslodavaca imaju jednak broj bodova, prednost ima poslodavac sa većim brojem zaposlenih, a ako imaju jednak broj zaposlenih onda prednost ima poslodavac koji zapošljava pripravnike suficitarnih zanimanja, a ako zapošljavaju suficitarna zanimanja, onda prednost ima poslodavac iz proizvodne i turističke djelatnosti, odnosno ako dva ili više poslodavaca i dalje imaju isti broj bodova, prednost se daje poslodavcu koji je prije podnio aplikaciju za učešće u programu iz ovog člana.
- (9) Poslodavci korisnici Programa zapošljavanja pripravnika dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika, a do okončanja ugovora o sufinansiranju.
- (10) U Programu zapošljavanja pripravnika prednost za učešće imaju nezaposlene osobe: djeca demobilisanih boraca, šehidske porodice i porodice poginulih boraca, RVI, djeca RVI koji imaju 100 % procenat invalidnosti, djeca dobitnika najvećih ratnih priznanja, civilne žrtve rata, osobe koje su na evidenciji nezaposlenih najmanje 24 mjeseca prije objave javnog poziva, bivši štíćenici domova za djecu bez roditeljskog staranja, liječeni ovisnici o psihoaktivnim supstancama, Romi, lica sa invaliditetom, djeca samohranih roditelja, korisnici javnih kuhinja, djeca sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (11) Nezaposlene osobe koje žele da učestvuju u Programu zapošljavanja pripravnika, moraju biti prijavljene na evidenciju nezaposlenih Službe, prije objave javnog poziva za Program zapošljavanja pripravnika i dalje sve do potpisivanja ugovora o radu sa poslodavcem kojem su odobrena sredstva po ovom Programu.
- (12) Vrednovanje aplikacija se vrši na osnovu priložene dokumentacije, u skladu sa kriterijima iz stava (7) ovog člana. Vrednovanje aplikacija vrši Služba, koja utvrđuje i prijedlog liste poslodavaca za učešće u Programu zapošljavanja pripravnika. Prijedlog liste poslodavaca usvaja Upravni odbor Službe. Nakon što Upravni odbor Službe usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu zapošljavanja pripravnika su prihvaćene i eventualne anexe ugovora.

- (13) Ugovorom između Službe i poslodavca, uređuju se međusobna prava i obaveze, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci za VSS i VŠS i 6 mjeseci za SSS i KV stručnu spremu i pripravnike medicinske struke, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva, uvećan za broj sufinansiranih pripravnika, obavezu pravdanja pomenutih troškova i dr.
- (14) Rok za realizaciju Programu zapošljavanja pripravnika je 18 mjeseci od dana potpisivanja ugovora sa poslodavcem iz stava (12) ovog člana, uključujući i eventualne anexe ugovora.

Član 8.

PROGRAM SUFINANSIRANJA SAMOZAPOŠLJAVANJA „TRGOVAC POJEDINAC“

- (1) Program sufinansiranja samozapošljavanja „Trgovac pojedinac“ (u daljem tekstu: Program „Trgovac pojedinac“), realizuje se samozapošljavanjem nezaposlenih osoba, odnosno dobivanjem odobrenja za obavljanje trgovine na malo ličnim radom izvan prodavnice kao trgovac pojedinac ili dobivanjem odobrenja za obavljanje poljoprivredne djelatnosti ili obrta sa plasmanom vlastitih proizvoda na tržnici ili pijaci.
- (2) Cilj Programa „Trgovac pojedinac“ je stimulisanje samozapošljavanja nezaposlenih osoba.
- (3) Pravo učešća u Programu „Trgovac pojedinac“ imaju nezaposlene osobe prijavljene na evidenciju nezaposlenih u Kantonu Sarajevo, prije objave javnog poziva, a koje imaju najmanje završenu osnovnu školu.
- (4) U Programu „Trgovac pojedinac“ ne mogu učestvovati osobe koje su već ostvarile finansijski poticaj za ove namjene i koje su u prethodne tri godine koristile sredstva za samozapošljavanje od strane Službe ili Federalnog zavoda za zapošljavanje.
- (5) Služba će osobama iz stava (3) ovog člana, koje budu obuhvaćene Programom „Trgovac pojedinac“ i registruju djelatnost iz stava (1) ovog člana, mjesečno, u trajanju od 12 mjeseci, refundirati sredstva u ukupnom iznosu od 200,00 KM, za uplatu dijela zakonom propisanih poreza i doprinosa.
- (6) U Programu „Trgovac pojedinac“ prednost za učešće imaju osobe: demobilisani borci i njihove porodice, šehidske porodice i porodice poginulih boraca, RVI, djeca RVI koji imaju 100 % procenat invalidnosti, djeca dobitnika najvećih ratnih priznanja, civilne žrtve rata, te najugroženije kategorije nezaposlenih lica korisnika prava iz oblasti socijalne zaštite i to: roditelji djece sa invaliditetom od najmanje 80 % invaliditeta, žrtve nasilja u porodici, bivši štićenici domova za djecu bez roditeljskog staranja, liječeni ovisnici o psihoaktivnim supstancama, Romi, lica sa invaliditetom, samohrani roditelji, korisnici javnih kuhinja, kao i osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (7) Zainteresovane nezaposlene osobe koje žele učestvovati u Programu „Trgovac pojedinac“ u originalu ili ovjerenoj fotokopiji, dužne su podnijeti:

- aplikaciju na propisanom obrascu sa jasno navedenom vrstom robe sa kojom će obavljati trgovina na malo,
- izjavu ovjerenu kod općinskog organa ili notara da već nisu ostvarile finansijski poticaj za ove namjene, te da u prethodne tri godine nisu koristile sredstva za samozapošljavanje od strane Službe ili Federalnog zavoda za zapošljavanje, a koja je sastavni dio aplikacije,
- ugovor ili predugovor sa organizatorom tržnice/pijace ili dozvolu za postavljanje prodajnog mjesta na javnoj površini,
- dokaz da pripadaju kategoriji koja ima prednost za učešće u ovom programu.

(8) Kriteriji za vrednovanje aplikacija su:

- aplikanti koji su na evidenciji nezaposlenih:
 - do 12 mjeseci..... 1 bod,
 - od 12 do 48 mjeseci..... 3 boda,
 - preko 48 mjeseci..... 5 bodova.
- aplikanti koji imaju status osobe iz stava (6) ovog člana..... 5 bodova.

(9) Kod istog broja bodova prednost se daje aplikantu koji je prije podnio aplikaciju za učešće u Programu „Trgovac pojedinac“.

(10) Sve zainteresovane osobe kojima budu odobrena sredstva za učešće u Programu „Trgovac pojedinac“, dužne su pohađati radionicu "Obuka za poduzetništvo" koju organizuje i provodi Služba, a što će se regulisati ugovorom iz narednog stava.

(11) Aplikacije iz prethodnog stava se na osnovu gore navedenih kriterija se vrednuju u Službi i utvrđuje se prijedlog liste aplikanata za učešće u Programu „Trgovac pojedinac“. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu „Trgovac pojedinac“ su prihvaćene.

(12) Ugovorom iz prethodnog stava, uređuju se prava i obaveze Službe i aplikanta, obaveza uplate zakonom propisanih poreza i doprinosa, obavezu pravdanja pomenutih troškova i dr.

(13) Rok za realizaciju Programa samozapošljavanja je 18 mjeseci od dana usvajanja listi iz stava (10) ovog člana.

Član 9.

PROGRAM OBUKE, DOKVALIFIKACIJE I PREKVALIFIKACIJE NEZAPOSLENIH OSOBA ZA POZNATOG POSLODAVCA

(1) Program obuke, dokvalifikacije i prekvalifikacije nezaposlenih osoba za poznatog poslodavca (u daljem tekstu: Program obuke) realizuje se obukom, dokvalifikacijom i prekvalifikacijom nezaposlenih osoba sa evidencije nezaposlenih u Kantonu Sarajevo za poznatog poslodavca.

(2) U smislu ovog programa:

- Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe;
 - Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja;
 - Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće.
- (3) Dužina trajanja obuke, dokvalifikacije i prekvalifikacije je maksimalno 6 mjeseci i može se realizovati:
- u ustanovama, centrima za obuku ili drugim organizacijama koje su registrovane za ovu vrstu djelatnosti,
 - kod poslodavca po internom programu,
 - kombinovano.
- (4) Ukoliko se obuka, dokvalifikacija i prekvalifikacija vrši kod poslodavca ili kombinovano, poslodavci su dužni o svom trošku polaznike osigurati za slučaj povrede na radu i profesionalnog oboljenja u skladu sa važećim propisima, a Služba će putem resornog ministarstva i Vlade Kantona Sarajevo, obavjestiti inspekcijske organe o realizaciji programa, a u svrhu izbjegavanja karakterisanja ovog angažmana kao "rad na crno".
- (5) U cilju provođenja ovog programa Služba će poslodavcima korisnicima ovog programa za novo zapošljavanje, finansirati troškove obuke, dokvalifikacije i prekvalifikacije nezaposlenih osoba u maksimalnom iznosu do 3.000,00 KM, uz obavezu poslodavca da osobe čije se obuke, dokvalifikacij i prekvalifikacije finansiraju po okončanju iste, zaposli na period od najmanje 6 mjeseci.
- (6) Ako su troškovi obuke, dokvalifikacije/prekvalifikacije veći od 3.000,00 KM, isti padaju na teret poslodavca.
- (7) Služba će plaćanje obaveza po ovom programu vršiti direktno izvođaču obuke, dokvalifikacije i prekvalifikacije nakon završetka iste i dostavljanja dokaza da su polaznici završili obuku, dokvalifikaciju ili prekvalifikaciju (certifikat, potvrda ili drugi validni dokazi), fakture za plaćanje i izvještaja o provedenoj obuci od strane izvođača obuke, dokvalifikacije/prekvalifikacije.
- (8) Kao instrument obezbjeđenja sredstava u slučaju da poslodavci ne ispoštuju ugovorom preuzete obaveze za iznose do 8.800,00 KM uzimat će se bjanko mjenica, a za iznose preko 8.800,00 KM, poslodavci su dužni da obezbjede garanciju banke. Povrat sredstava vršit će se srazmjerno neizvršenju ugovornih obaveza i biće preciziran u ugovorima o finansiranju za svakog poslodavca pojedinačno.
- (9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, osim u slučajevima odlazaka u penziju postojećih radnika.
- (10) Poslodavci koji žele da učestvuju u ovom programu dužni su podnijeti:

- Aplikaciju za finansiranje obuke, dokvalifikacije/prekvalifikacije u roku predviđenim javnim pozivom,
 - Rješenje o registraciji sa identifikacionim brojem,
 - Uvjerenje o izmirenim obavezama po osnovu poreza i doprinosa ne starije od 30 dana od dana podnošenja aplikacije sa listingom o trenutnom broju radnika (izdat od strane Porezne uprave Federacije Bosne i Hercegovine),
 - uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine)
 - Plan i program obuke, dokvalifikacije/prekvalifikacije ovlaštene ustanove, centra za obuku ili druge organizacije koje su registrovane za ovu vrstu djelatnosti ili poslodavca ako se obuka izvodi kod poslodavca,
 - Predračun troškova izvođača obuke, dokvalifikacije/prekvalifikacije,
 - Elaborat o opravdanosti zahtjeva za obuku, dokvalifikaciju/prekvalifikaciju,
- (11) Poslodavci koji redovno ne izmiruju obaveze uplate javnih prihoda, ne mogu učestvovati u Programu javnih radova, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.
- (12) Kriteriji za vrednovanje aplikacija su:
1. Djelatnost poslodavca:
 - a) proizvodna i turistička djelatnost – 4 boda;
 - b) ostale djelatnosti – 1 bod;
 2. Cijena obuke po osobi:
 - a) do 1.000,00 KM – 3 boda;
 - b) od 1.001,00 KM do 2.000,00 KM – 2 boda;
 - c) od 2.001,00 KM do 3.000,00 KM – 1 bod.
 3. Trenutni broj zaposlenih:
 - a) do 10 trenutno zaposlenih – 1 bod;
 - b) od 11 do 20 trenutno zaposlenih – 2 boda;
 - c) od 21 do 50 trenutno zaposlenih – 3 boda;
 - d) preko 50 trenutno zaposlenih – 4 boda.
 4. Broj osoba koje se zapošljavaju po programu:
 - a) do 5 osoba – 1 bod;
 - b) od 6 do 10 osoba – 2 boda;
 - c) od 11 do 20 osoba – 3 boda;
 - d) preko 20 osoba – 4 boda.
 5. Vlastito finansijsko učešće u programu:
 - a) do 100,00 KM po osobi – 1 bod;
 - b) od 100,00 KM do 500,00 KM po osobi – 2 boda;
 - c) preko 500,00 KM po osobi – 3 boda.
- (13) Poslodavci i fizičke osobe koje su koristile kreditna sredstva Federalnog zavoda za zapošljavanje, Službe i ministarstava u Vladi Kantona Sarajevo, a nisu ispoštovali obaveze

u skladu sa zaključenim ugovorima (nisu primili radnike ili ne vraćaju redovno anuitete) ne mogu učestvovati u ovom programu.

- (14) Aplikacije iz prethodnog stava se na osnovu navedenih kriterija u ovome članu se vrednuju u Službi i utvrđuje se prijedlog liste aplikanata za učešće u pomenutom programu. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju istih, direktor Službe, zaključuje ugovore sa aplikantima čije aplikacije za učešće u ovom programu su prihvaćene i eventualne anexe ugovora.
- (15) Ugovorom iz stava (14) uređuju se prava i obaveze Službe i poslodavca, pravo poslodavca na izbor nezaposlene osobe i obavezu zaključivanja ugovora o radu sa osobama koje su bile obuhvaćene programom, obavezu pravdanja svih troškova, itd.“
- (16) Rok za realizaciju Programa obuke je 15 mjeseci od dana usvajanja listi iz stava (14) ovog člana.

Član 10.

PROGRAM SLUŽBA U ZAJEDNIČKIM PROJEKTIMA 2018

- (1) Program Služba u zajedničkim projektima 2018 (u daljem tekstu: Program 2018), realizuje se zapošljavanjem ili obukom za povećanje kompetencija i sticanje novih znanja i vještina nezaposlenih osoba, bez obzira na radno iskustvo, spol, dob i stepen obrazovanja, prijavljenih na evidenciju nezaposlenih u Kantonu Sarajevo. Navedeni program se realizuje na osnovu pismenog zahtjeva za saradnju zainteresovanih institucija, organizacija i poslodavaca sa Federalnim zavodom za zapošljavanje i Službom.
- (2) Cilj Programa 2018 je obezbjeđenje potrebne kvalifikacione strukture radne snage i novo zapošljavanje.
- (3) Služba će kroz sufinansiranje zapošljavanja ili obuke razvijati partnerske odnose sa drugim institucijama, organizacijama i poslodavcima na način da će svako uspostavljeno partnerstvo biti predmet odgovarajućeg sporazuma kojim će se odrediti obim, vrsta i način implementiranja istog, a na koji Federalni zavod za zapošljavanje i Upravni odbor službe daje saglasnost. Ukoliko Federalni zavod za zapošljavanje ne učestvuje sa svojim finansijskim sredstvima na prijedlog Upravnog odbora Službe, Vlada Kantona Sarajevo daje saglasnost.
- (4) Mjesečni iznos sufinansiranja zapošljavanja po osobi ne može biti veći od 500,00 KM, a mjesečni iznos sufinansiranja obuke za povećanje kompetencija i sticanje dodatnih znanja i vještina nezaposlenih osoba, bez obaveze zapošljavanja, ne može biti veći od 150,00 KM po osobi.
- (5) Period sufinansiranja zapošljavanja može trajati najviše 12 mjeseci, a period sufinansiranja obuke može trajati najviše 3 mjeseca.
- (6) Institucije, organizacije i poslodavci koji žele da učestvuju u ovom programu dužni su podnijeti:
 - Aplikaciju za sufinansiranje u roku predviđenim javnim pozivom,
 - Rješenje o registraciji sa identifikacionim brojem,

- Uvjerenje o izmirenim obavezama po osnovu poreza i doprinosa ne starije od 30 dana od dana podnošenja aplikacije sa listingom o trenutnom broju radnika (izdat od strane Porezne uprave Federacije Bosne i Hercegovine),
 - uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine)
 - Plan i program zapošljavanja ili obuke za povećanje kompetencija i sticanje dodatnih znanja i vještina nezaposlenih osoba, sa jasno navedenom strukturom potrebnih sredstava,
 - Predračun troškova sa jasno naznačenim vlastitim učešćem sredstava i traženim iznosom sredstava od strane Službe,
 - Elaborat o opravdanosti aplikacije.
- (7) Razmatranje i odobravanje pristiglih aplikacija iz stava (6), rješavat će se po redosljedu prijema aplikacija, a do utroška sredstava planiranih za realizaciju ovog programa.
- (8) Rok za realizaciju Programa 2018 je 15 mjeseci od dana usvajanja sporazuma iz stava (3) ovog člana.

PRAĆENJE REALIZACIJE PROGRAMA

Član 11.

- (1) Realizacija Programa mjera je u nadležnosti Službe u skladu sa članom 7. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo.
- (2) Monitoring i evaluacija pojedinačnih podsticajnih mjera navedenih u ovom programu, vršit će se u skladu sa rješenjem Ministarstva za rad, socijalnu politiku, raseljena lica i izbjeglice Kantona Sarajevo.
- (3) Vlada Kantona Sarajevo, nadležna je da:
1. usvaja liste poslodavaca/nezaposlenih osoba koji ispunjavaju uslove za učešće u pojedinačnim podsticajnim mjerama ovog Programa,
 2. usvaja liste poslodavaca/nezaposlenih osoba koji ne ispunjavaju uslove za učešće u pojedinačnim podsticajnim mjerama ovog Programa.
- (4) Upravni odbor Službe, nadležan je da:
1. predlaže Vladi Kantona Sarajevo liste poslodavaca/nezaposlenih osoba koji ispunjavaju uslove za učešće u pojedinačnim podsticajnim mjerama ovog Programa,
 2. predlaže Vladi Kantona Sarajevo liste poslodavaca/nezaposlenih osoba koji ne ispunjavaju uslove za učešće u pojedinačnim podsticajnim mjerama ovog Programa.
- (5) Ministarstvo za rad, socijalnu politiku, raseljena lica i izbjeglice Kantona Sarajevo, nadležno je za razmatranje prigovora, u roku od 15 dana od dana prijema prigovora.

OSTALE ODREDBE

Član 12.

Rok za podnošenje prigovora je 8 dana od dana objavljivanja rezultata javnih poziva na web stranici Službe.

Član 13.

Služba će u roku od 15 dana od dana utvrđivanja ovog Programa, za pojedinačne podsticajne mjere, objaviti javne pozive za učestvovanje u realizaciji Programa, najmanje u jednom dnevnom listu koji izlazi u Kantonu Sarajevo i na web stranici Službe.

Član 14.

U slučaju da se ne utroše novčana sredstva namijenjena za realizaciju određene podsticajne mjere, Služba će ponoviti javni poziv u skladu sa Programom, za tu podsticajnu mjeru.

Član 15.

O efektima realizacije ovog programa, Služba će izvještavati osnivača putem godišnjih izvještaja o radu.

Član 16.

Rezultati javnih poziva objavljujuć će se na web stranici Službe, a uz primjenu Zakona o zaštiti ličnih podataka (Službeni glasnik BiH, br. 49/06, 76/11 i 89/11).

Član 17.

Ovaj program će se primjenjivati narednog dana od dana utvrđivanja od strane Vlade Kantona Sarajevo.



PREMIJER

Adem Zolj, Mr.dipl.ing.saob.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Dostaviti:

1. Predsjedavajuća Skupštine Kantona Sarajevo,
2. Premijer Kantona Sarajevo,
3. Ministarstvo za rad, socijalnu politiku,
raseljena lica i izbjeglice Kantona Sarajevo,
4. Ministarstvo privrede Kantona Sarajevo,
5. Javna ustanova „Služba za zapošljavanje Kantona Sarajevo“ Sarajevo,
(putem Ministarstva za rad, socijalnu politiku,
raseljena lica i izbjeglice Kantona Sarajevo),
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

